



SLUŽBENI GLASNIK OPĆINE VISOKO

GODINA XLVII

Visoko, PETAK , 3. maj 2013. godine

Broj 4

I – OPĆINSKO VIJEĆE

33.

Na osnovu člana 26. stav 1. Zakona o prostornom uređenju («Sl. novine ZE-DO kantona», broj 2/04 i 2/08) i člana 22. Statuta Općine Visoko – Prečišćeni tekst («Sl. glasnik općine Visoko», broj 1/11), Općinsko vijeće Visoko, na 6. sjednici održanoj dana 27.4.2013.godine donijelo je

ODLUKU

o pristupanju izradi Regulacionog plana poslovne zone «Ozrakovići» Visoko

Član 1.

Pristupa se izradi Regulacionog plana poslovne zone «Ozrakovići» Visoko /u daljem tekstu: Regulacioni plan/ u granicama obuhvata iz Urbanističkog plana grada Visoko («Sl. glasnik općine Visoko», broj 7/03).

Član 2.

Regulacioni plan obuhvata dva lokaliteta (lokalitet I i lokalitet II).

Granica obuhvata lokaliteta I ide od betonskog mosta na rijeci Bosni, zatim Regionalnim putem prema naplatnim kućicama do mosta zv. «Podvanj» odakle obuhvat ide zaobilaznicom prema «Vispak»-u i uključuje se na ul. Kadije Uvejsa, pored hangara «Velepromet»-a i DC-a do parcele označene kao k.č.br. 304 u K.O. Ozrakovići. Odatle se obuhvat spušta granicom parcele označene kao k.č.br. 304 u K.O. Ozrakovići do lokalnog

puta kroz naseljeno mjesto Ozrakovići i nastavlja lokalnim putem do raskršća, te istim putem se spušta do rijeke Bosne i nastavlja desnom obalom rijeke do betonskog mosta.

Granica obuhvata lokaliteta II ide lokalnim putem pored kasarne «Tufo Buza» prema naseljenom mjestu K.Banjer do podvožnjaka na auto-putu i nastavlja se do Banjerske ulice odakle se spušta na lokalni put za Gračanicu, te istim putem ide do kasarne «Tufo Buza».

Član 3.

Regulacioni plan će se sastojati od tekstualnog i grafičkog dijela urađen prema Uredbi o jedinstvenoj metodologiji za izradu planskih dokumenata («Sl. novine F BiH», broj 63/04, 50/07 i 84/10).

Član 4.

Nosilac pripreme Regulacionog plana je Služba za prostorno uređenje, imovinsko-pravne, gedoetske, stambeno-komunalne poslove i zaštitu okoline općine Visoko (u daljem tekstu: Nosilac pripreme).

Izrada Regulacionog plana će se povjeriti preduzeću koje je registrovano za izradu planske dokumentacije, a u skladu sa Zakonom o javnim nabavkama BiH, (u daljem tekstu: Nosilac izrade).

Posebnim ugovorom između Nosioca pripreme i Nosioca izrade regulisaće se njihovi međusobni odnosi.

Rok za izradu Regulacionog plana je 6 (šest) mjeseci od dana donošenja ove Odluke.

Član 5.

Izrada Regulacionog plana će se financirati iz sredstava budžeta općine Visoko, planiranih za izradu planskih dokumenata u 2013. godini.

Član 6.

U postupku izrade, a prije utvrđivanja Prednacrt Regulacionog plana, Nosilac izrade je dužan pribaviti stručno mišljenje od Nosioca pripreme.

Član 7.

Nosilac izrade je dužan, nakon razmatranja primjedbi, mišljenja i sugestija od Nosioca pripreme, da one izmjene koje smatra boljim rješenjima, ugrađuje u Nacrt Regulacionog plana i dostavi ga Nosiocu pripreme uz odgovarajuće obrazloženje.

Član 8.

Nosilac pripreme je dužan da Nacrt Regulacionog plana podnese Općinskom vijeću na usvajanje i predloži da se o istom otvori javna rasprava u trajanju od 60 dana.

Nacrt Regulacionog plana dostavlja se i Ministarstvo za prostorno uređenje, promet i komunikacije i zaštitu okoline, Kantonalnom zavodu za urbanizam i prostorno uređenje Zeničko-dobojskog kantona, na mišljenje o usaglašenosti Regulacionog plana sa Urbanističkim planom grada Visoko.

Član 9.

Nakon što Nosilac pripreme prikupi iz javne rasprave sva mišljenja, primjedbe, sugestije i prijedloge na Nacrt Regulacionog plana, iste razmatra, te formira vlastite preporuke i dostavlja ih Nosiocu izrade.

Član 10.

Nosilac pripreme utvrđuje Prijedlog Regulacionog plana u kojem se ne mogu mijenjati planska rješenja iz Nacrta ovog

Plana, koji je utvrđen na način iz člana 8. ove Odluke i dostavlja ga Općinskom vijeću na usvajanje.

Član 11.

Odluka stupa na snagu osmog dana od dana objavljivanja u «Sl. glasniku općine Visoko».

Broj: 01/1-02-104/13
27.4.2013. godine

PREDSJEDAVAJUĆA
OPĆINSKOG VIJEĆA VISOKO
Mirela Mateša Bukva

34.

Na osnovu članova 3. i 6. Zakona o ustanovama («Službeni list RBiH», broj:6/92,8/93 i 13/94), člana 15. stav 2., članova 39. i 40. Zakona o predškolskom odgoju i obrazovanju («Službene novine Zeničko-dobojskog kantona», broj: 7/10, 8/12) i člana 22. stav 1 tačka 19. Statuta općine Visoko- prečišćeni tekst («Službeni glasnik općine Visoko», broj: 1/11), Općinsko vijeće Visoko, na 6. sjednici održanoj 27.4.2013. godine, donijelo je

O D L U K U

o organizovanju Javne ustanove za predškolski odgoj i obrazovanje Visoko

Član 1.

Ovom Odlukom Općinsko vijeće Visoko uređuje organizaciju Javne ustanove za predškolski odgoj i obrazovanje Visoko koja je pravni sljednik Javne ustanove za predškolski odgoj i obrazovanje Visoko osnovane Odlukom o organizovanju Javne ustanove za predškolski odgoj i obrazovanje Visoko broj: 01/1-012-158/96 od 01.07.1996.godine («Službeni glasnik općine Visoko», broj: I/96).

Član 2.

Javna ustanova za predškolski odgoj i obrazovanje Visoko iz člana 1. ove Odluke poslovat će pod istim nazivom - Javna ustanova za predškolski odgoj i obrazovanje Visoko. Sjedište Ustanove je u Visokom, ulica Donje Rosulje.

Član 3.

Šifra djelatnosti Javne ustanove za predškolski odgoj i obrazovanje određena je prema Odluci o klasifikaciji djelatnosti Bosne i Hercegovine 2010 («Službeni glasnik BiH», broj: 47/10) i glasi 85.10 predškolsko obrazovanje.

Član 4.

Odluku o proširenju ili promjeni djelatnosti donosi Općinsko vijeće.

Član 5.

Sredstva Ustanove čine objekti i oprema koje je Ustanova preuzela od bivše «Radne organizacije udruženog rada predškolskog vaspitanja i obrazovanja «25. maj» Visoko i Javne ustanove za predškolski odgoj i obrazovanje organizovane Odlukom broj: 01/1-012-158/96 od 01.07.1996.godine.

Član 6.

Sredstva za rad Javne ustanove za predškolski odgoj i obrazovanje obezbjeđuju se iz:

- a) Budžeta općine Visoko,
- b) vlastitim prihodima iz uplata roditelja djece koja borave u predškolskoj ustanovi,
- c) donacija
- d) drugih izvora, u skladu sa zakonom.

Član 7.

Ustanova je odgovorna za svoje obaveze sredstvima sa kojima raspolaže. Osnivač je neograničeno supsidijarno odgovoran za obaveze Ustanove.

Član 8.

Ustanova je odgovorna Osnivaču za rezultate svog rada i djelovanja u svim oblastima za koje je nadležna.

Obaveze Ustanove prema Osnivaču su da:

- a) pribavi saglasnost Osnivača kod svih statusnih promjena (promjena naziva, sjedišta, djelatnosti i drugih promjena utvrđenih zakonom)
- b) jedanput godišnje osnivaču podnese Izvještaj o radu za proteklu školsku godinu ustanove na usvajanje i Godišnji plan i program rada ustanove.
- c) druge obaveze utvrđene zakonom.

Član 9.

Osnovni opći akt Ustanove su Pravila ustanove.

Saglasnost na osnovni opći akt Pravila daje Općinska načelnica.

Član 10.

Organ upravljanja u Ustanovi je Upravni odbor koji broji tri člana, a prema načelu paritetne zastupljenosti osnivača, vijeća roditelja i stručnog osoblja predškolske ustanove.

Konačno imenovanje i razrješenje članova Upravnog odbora vrši osnivač.

Članovi Upravnog odbora biraju se na period od četiri godine, sa mogućnošću još jednog reizbora.

Direktor Ustanove ne može biti član Upravnog odbora.

Član 11.

Organ rukovođenja u Ustanovi je direktor.

Direktora Ustanove imenuje Upravni odbor, na osnovu javnog

konkursa, uz saglasnost Općinske načelnice.

Isto lice ne može biti uzastopno imenovano na više od dva mandata u istoj Ustanovi računajući i tekući mandat.

Član 12.

Upravni odbor je obavezan da u roku od 30 dana od dana stupanja na snagu ove Odluke uskladi opće akte Ustanove sa odredbama ove Odluke, zakonom i podzakonskim aktima.

Član 13.

Stupanjem na snagu ove Odluke prestaje da važi Odluka o organizovanju Javne ustanove za predškolski odgoj i obrazovanje Visoko broj: 01/1-012-158/96 od 01.07.1996.godine («Službeni glasnik Općine Visoko», broj: I/96).

Član 14.

Ova Odluka stupa na snagu osmog dana od dana objavljivanja u «Službenom glasniku općine Visoko».

Broj:01/1-02-105/13 **PREDSJEDAVAJUĆA**
27.4.2013. godine **OPĆINSKOG VIJEĆA VISOKO**
Visoko **Mirela Mateša Bukva**

35.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br.49/06) i člana 22. tačka 7. i člana 33. Statuta općine Visoko – Prečišćeni tekst („Službeni glasnik općine Visoko“, br. 1/11), Općinsko vijeće Visoko, na 6. sjednici održanoj 27.4.2013. godine donijelo je

O D L U K U

o dopuni Odluke o davanju ovlaštenja Općinskoj načelnici Visoko za zaključenje ugovora o kupovini nekretnina u svrhu rekonstrukcije lokalne ceste Kondžilo - Brezovik

Član 1.

U Odluci o davanju ovlaštenja Općinskoj načelnici za zaključenje ugovora o kupovini nekretnina u svrhu rekonstrukcije lokalne ceste Kondžilo – Brezovik, («Službeni glasnik Općine Visoko», br. 3/13) iza člana 1. dodaje se novi član 2. koji glasi:

Porez na promet nekretnina pada na teret kupca Općinu Visoko, a notarske troškove solidarno platiće kupac i prodavci.

Član 2.

Dosadašnji član 2. postaje član 3. Odluke.

Član 3.

Ova odluka stupa na snagu danom objave u „Službenom glasniku općine Visoko“.

Broj:01/1-02-108/13 **PREDSJEDAVAJUĆA**
27.4.2013.godine **OPĆINSKOG VIJEĆA VISOKO**
Visoko **Mirela Mateša Bukva**

36.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br.49/06) i člana 22. stav 7. i člana 33. Statuta općine Visoko - Prečišćeni tekst („Službeni glasnik općine Visoko“, br. 1/11), Općinsko vijeće Visoko na 6. sjednici održanoj dana, 27.4.2013. godine donijelo je:

O D L U K U

o izmjeni Odluke kojom Općinsko vijeće daje ovlaštenje Općinskoj načelnici da zaključi ugovor o uspostavljanju služnosti kolskog puta preko parcele k.č. 152/1 KO Ozrakovići

Član 1.

U Odluci o davanju ovlaštenja Općinskoj načelnici za zaključenje ugovora o uspostavljanju prava služnosti kolskog puta preko parcele k.č. 152/1 KO Ozrakovići

(„Službeni glasnik Općine Visoko“, broj 3/13) član 2. mijenja se i glasi:

Pravo služnosti iz člana 1. ove Odluke ima se uspostaviti u obliku i dimenzijama prilaza: širina od 3,0 metara od spoja sa parcelom na k.č. 153/1 pa preko parcele na k.č. 152/1, ide duž objekta na parceli na k.č. 152/2, u isto vrijeme zahvata dijelove iste parcele, ukupno dužine osovine prilaza d=55,0 metara pa sve do spoja sa parcelom na k.č. 607/3 u vlasništvu općine Visoko, odnosno putni pojas lokalnog puta Visoko-Gračanica, preko kojeg u istoj širini, dužine d=6,0 metara, izlazi na lokalni put.

Skica lokacije na kojoj je ucrtan kolski put je sastavni dio Odluke.

Član 2.

Odluka stupa na snagu danom objavljivanja u „Službenom glasniku općine Visoko“.

Broj: 01/1-02-107/13 **PREDSJEDAVAJUĆA**
27.4.2013. godine **OPĆINSKOG VIJEĆA VISOKO**
 Mirela Mateša Bukva

II – OPĆINSKA NAČELNICA

37.

Na osnovu člana 4. Zakona o ministarskim, vladinim i drugim imenovanjima Federacije BiH („Službene novine FBiH“, broj: 12/13), člana 33. Statuta općine Visoko-prečišćeni tekst („Službeni glasnik općine Visoko“, broj: 1/11) i Rješenja o konačnom imenovanju Upravnog odbora JU „Dom zdravlja“ Visoko („Službeni glasnik općine Visoko“, broj: 2/13) Općinska načelnica Visoko donosi

R J E Š E N J E

**o razrješenju Upravnog odbora JU
„Dom zdravlja sa poliklinikom“ Visoko**

I

Razrješavaju se dužnosti članovi Upravnog odbora JU „Dom zdravlja sa

poliklinikom“ Visoko, imenovani Rješenjem Općinskog načelnika, broj: 01/2-02-347/10 od 17.5.2010. godine („Službeni glasnik općine Visoko“, broj: 5/10), u sastavu:

1. Alija Uzunović, predsjednik
2. Enida Koljenović, član
3. Enver Hasagić, član
4. Emir Alagić, član
5. Seada Jabandžić.

II

Ovo rješenje objaviće se u „Službenom glasniku općine Visoko“.

Broj: 01/2-02-468/13 **OPĆINSKA NAČELNICA**
16.4.2013. godine **VISOKO**
Visoko **Amra Babić**

38.

Na osnovu člana 4. Zakona o ministarskim, vladinim i drugim imenovanjima Federacije BiH („Službene novine FBiH“, broj: 12/13), člana 33. Statuta općine Visoko-prečišćeni tekst („Službeni glasnik općine Visoko“, broj: 1/11) i člana 7. Odluke o izmjenama i dopunama Odluke o preuzimanju prava osnivača i organizovanju JU „Dom zdravlja sa poliklinikom“ Visoko u skladu sa Zakonom o zdravstvenoj zaštiti („Službeni glasnik općine Visoko“, broj: 4/11) Općinska načelnica Visoko donosi

R J E Š E N J E

**o razrješenju Nadzornog odbora JU
„Dom zdravlja sa poliklinikom“ Visoko**

I

Razrješavaju se dužnosti članovi Nadzornog odbora JU „Dom zdravlja sa poliklinikom“ Visoko, imenovani Rješenjem Općinskog načelnika, broj: 01/2-02-348/10 od 17.5.2010. godine („Službeni glasnik općine Visoko“, broj: 5/10), u sastavu:

1. Sabina Bečarević, predsjednik
2. Sabina Ahić-Bukurević, član
3. Jasna Mehičević, član.

II

Ovo rješenje objaviće se u
„Službenom glasniku općine Visoko“.

Broj: 01/2-02-467/13
16.4.2013. godine
Viaoko

OPĆINSKA NAČELNICA
VISOKO
Amra Babić

39.

Na osnovu člana 4. Zakona o ministarskim, vladinim i drugim imenovanjima Federacije BiH („Službene novine FBiH“, broj: 12/13), člana 33. Statuta općine Visoko-prečišćeni tekst („Službeni glasnik općine Visoko“, broj: 1/11) i člana 7. Odluke o izmjenama i dopunama Odluke o preuzimanju prava osnivača i organizovanju JU „Dom zdravlja sa poliklinikom“ Visoko u skladu sa Zakonom o zdravstvenoj zaštiti („Službeni glasnik općine Visoko“, broj: 4/11) Općinska načelnica Visoko donosi

R J E Š E N J E

o ispravci Rješenja o razrješenju
Nadzornog odbora JU
„Dom zdravlja sa poliklinikom“ Visoko

I

U Rješenju o razrješenju Nadzornog odbora JU „Dom zdravlja sa poliklinikom“ Visoko, broj: 01/2-02-467/13 od 16.4.2013. godine, vrši se slijedeća ispravka:

u tački I umjesto „2. Sabina Ahić-Bukurević“, treba da glasi „2. Nermina Skopljak“.

Broj: 01/2-02-493/13
22.4.2013. godine
Visoko

OPĆINSKA NAČELNICA
VISOKO
Amra Babić

II

Ovo rješenje objaviće se u „Službenom glasniku općine Visoko“.

40.

Na osnovu člana 10. Zakona o udruženjima i fondacijama u Federaciji Bosne i Hercegovine („Službene novine FBiH“, broj 45/02) i člana 33. Statuta općine Visoko – Prečišćeni tekst („Službeni glasnik općine Visoko“, broj 1/11), Općinska načelnica Visoko, donosi

Z A K L J U Č A K

I

Udruženju Dobrovoljno vatrogasno društvo „Visoko“ Visoko, daje se saglasnost za korištenje naziva Općina Visoko u nazivu ovog Udruženja.

II

Ovaj Zaključak stupa na snagu danom donošenja i objavit će se u „Službenom glasniku općine Visoko“.

Broj: 01/2-02-469/13
12.4.2013. godine
Visoko

OPĆINSKA NAČELNICA
VISOKO
Amra Babić

S a d r Ź a j

Redni
broj

Strana

I – OPĆINSKO VIJEĆE

- 33. Odluka o pristupanju izradi Regulacionog plana poslovne zone „Ozrakovići“ Visoko
- 34. Odluka o organizovanju Javne ustanove za predškolski odgoj i obrazovanje Visoko
- 35. Odluka o dopuni Odluke o davanju ovlašćenja Općinskoj načelnici za zaključenje ugovora o kupovini nekretnina u svrhu rekonstrukcije lokalne ceste Kondžilo-Brezovik
- 36. Odluka o izmjeni Odluke kojom Općinsko vijeće daje ovlaštenje Općinskoj načelnici da zaključi ugovor o uspostavljanju služnosti kolskog puta preko parcele k.č. 152/1 K.O. Ozrakovići

II – OPĆINSKA NAČELNICA

- 37. Rješenje o razrješenju Upravnog odbora JU „Dom zdravlja sa poliklinikom“ Visoko
- 38. Rješenje o razrješenju Nadzornog odbora JU „Dom zdravlja sa poliklinikom“ Visoko
- 39. Rješenje o ispravci Rješenja o razrješenju Nadzornog odbora JU „Dom zdravlja sa poliklinikom“ Visoko
- 40. Zaključak o davanju saglasnosti Dobrovoljnom vatrogasnom društvu Visoko za korištenje naziva Općina Visoko